


ŠTO JE BJESNILO?

Bjesnilo je zarazna bolest koja uzrokuje akutnu upalu mozga kod toplokrvnih životinja. Virus bjesnila obično se prenosi ujedom zaražene životinje. Bolest se može prenijeti i na ljude i na životinje i u oba slučaja rezultira smrću. U našoj zemlji lisice su glavni prenositelji bolesti i ovo cijepljenje ima za cilj iskorijeniti bolest upravo među ovim životinjama.



MAMCI – ORALNE VAKCINE

Vakcina je namijenjena isključivo divljim životinjama, i to posebno lisicama. Mamci su napravljeni od smjese koju sačinjavaju riblji ostaci, parafin i masnoće i veoma su neprijatnog mirisa, koji je vrlo primamljiv za lisice, a tečnost vakcine ubačena je u sredinu mamka. Plastična kapsula sa vakcinom zaštićena je aluminijskom folijom koja se otvori nakon što lisica zagrije mamak. Vakcina sadrži živi virus bjesnila, ali u količini koja ne izaziva oboljenje i istovremeno stvara imunitet kod životinje koja je pojede. Ova vrsta vakcine u uporabi je skoro 20 godina u borbi protiv bjesnila lisica i oko 115 milijuna mamaka bačeno je u mnoge zemlje Europe bez ikakvih posljedica za ljude.



Ovaj projekat financira Europska unija



Korisnik: Ured za veterinarstvo BiH

ORALNA VAKCINACIJA LISICA PROTIV BJESNILA U BIH



Tokom mjeseca listopada 2011. godine, na otvorena područja u čitavoj Bosni i Hercegovini, pomoću zrakoplova će se polagati mamci koji sadrže vakcinu za oralnu vakcinaciju lisica protiv bjesnila. Mamak sa vakcinom, koji izgleda kao keks, napravljen je od ribljih ostataka i mirisom je veoma privlačan divljim životinjama.

Evo kako i Vi možete pomoći u postizanju što boljih rezultata cijepljenja koja će unaprijediti zdravlje kako ljudi tako i životinja, te smanjiti rizik od smrtonosne zaraze u našoj zemlji.

KAKO FUNKCIONIRA ORALNA VAKVINACIJA LISICA?

Mamci-vaccine se polažu zrakoplovom na područja gdje žive lisice. Lisice mogu nanjušiti mamke sa velike udaljenosti. Kada lisica zagrije mamak ujedno probije i tečni dio sa vakcinom koja se kroz usta životinje proširi stvarajući antitijela protiv bolesti. Zaštitom lisica od bjesnila, na ovaj način štitimo i domaće životinje i ljude jer prestaju biti izloženi riziku od zaraze.



ŠTO VI TREBATE UČINITI?

Vodič tijekom jednog tjedna trajanja vakcinacije i 7 dana nakon vakcinacije:

Kao prvo možete pomoći u širenju informacija o oralnoj vakcinaciji tako što ćete razgovarati sa djecom i savjetovati ih da ne dotiču mamke-vaccine dok se igraju izvan kuće. Ukoliko imate psa, pokušajte ga držati u kući i svakako na povodcu dok šetate, vodeći računa da ne pojede mamak vakcinu. Domaće životinje, kao npr. mačke također treba pomno promatrati tijekom ovog perioda ukoliko je to moguće.

- Ne dirajte mamke-vaccine – oni su za lisice!
- Ukoliko vaš kućni ljubimac ugrabi mamak – ne pokušavajte ga izvaditi iz usta – mamci ne mogu naškoditi psima i mačkama, ali je moguće da će doći do povraćanja ukoliko pojedu nekoliko mamaka.
- Ukoliko pronađete mamak na otvorenom prostoru – ostavite ga tamo. Mamci imaju veoma jak miris koji je neprijatan za ljude i većinu drugih životinja.
- Ukoliko je mamak neoštećen i na otvorenom prostoru gdje ga mogu pronaći kućni ljubimci ili djeca, gurnite ga pod grm ili drvo, ali samo ukoliko imate rukavice ili koristite plastičnu vrećicu.
- Ukoliko dodirnete mamak, a pri tome imate posjeklinu na rukama ili otvorenu ranu ili dotaknete oči nakon što ste dodirnuli tečnost cjepiva iz probijene kapsule unutar mamka – obavezno otidite do najbližeg liječnika i posavjetujte se o daljnjim postupcima.
- **Ne koristite oralnu vakcinu za cijepjenje vaših kućnih ljubimaca protiv bjesnila – pasa ili mačaka!** Iako ovo cjepivo nije opasno, doza u oralnoj vakcini-mamku nije dovoljna da zaštiti vašeg kućnog ljubimca od bjesnila. Ne zaboravite da je cijepjenje kućnih ljubimaca protiv bjesnila vaša zakonska obveza jednom godišnje.

OČEKIVANI REZULTATI

Većinu mamaka-vaccina lisice će pojesti u roku od 4-5 dana i rizik od bjesnila će biti smanjen u čitavoj zemlji. Sljedeće cijepjenje planirano je za proljeće 2012. godine kako bi pojačali program cijepjenja i unaprijedili nastojanja za stvaranje sigurnijeg okruženja za poljoprivrednike, lovce, stoku i kućne ljubimce, a svakako i stanovništvo Bosne i Hercegovine. Cijepjenje će se organizirati i u nekoliko narednih godina kako bi se osiguralo da sva mladunčad i nezaštićene lisice iz jedne godine budu cijepjeni u svakoj narednoj godišnjoj kampanji.

Dodatne informacije

Molimo Vas kontaktirajte nas putem e-pošte na adresu:

info_bjesnilo@vet.gov.ba ili pozovite telefonski broj: 066/004-337

Više informacija na:

www.vet.gov.ba